



Siverth K. Heilmann

UPA 2023/47-1

Atassut

02. maj 2023

**Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allangortinneqarnissaat pillugu inatsisissatut siunnersuummut (Tarnikkut nakuuserfigineqarneq pillugu aalajangersagaq immikkoortoq) aamma Pillaasarnermik inatsisip allangortinneqarnerata ilaannik aamma inatsisit assigiinngitsut allat Kalaallit Nunaanut atuutilersinnissaat pillugu peqqussummut missingiut pillugu Kalaallit Nunaanni Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut sunnersuut.**

(Aatsitassanut Inatsisillu Atuutsinneqarnerannut Naalakkersuisoq)

Naalakkersuisut qulaani inatsimmut naleqqussaaniarluni inatsisartunut saqqummiussaqaarnerannut qujanaq, imatullu naatsumik Atassummiit oqaaseqarfigissavarput.

Kalaallit Nunaanni pinerluttulerinermi aammalu eqqartuussisarnermi inatsisitta, tarnikkut nakuuserfiginnittarneq immikkuullarissutut inatsisit naleqqussarneqarnissaa ilassuserneqarnissaalu Naalakkersuisut inatsisartunut saaffiginninnerat tunuliaqutserneqarnissaat avaqqunneqarsinnaanngilaq.

Atassummiit tamakkiisumik isumaqataanerput matumuuna oqaatigeriissavarput, ataatsimiititaliamullu susassaartumut peqqissaarullugu suliarineqarnissaa inassutigalugu, kiisalu oqaaseqaatit kukkunertaqarsinnaasut eqqumaffigineqarnissaat kaammattuutigalugu. Soorlu “tarnikkut nakuuserfigineqarnerup pinerluutinngortinneqarnissaa piomasagaataavoq”. Pinerluffigineqartunuku illersorniarlugit, inatsisiliortutut pinerluttuliornermut inatsimmut ilassusiiniartugut.

Qujanaq.